

დოკუმენტი დამტკიცებულია
უნივერსიტეტის რექტორის 2020 წლის 21
სექტემბრის №მ28 ბრძანებით

დოკუმენტში ცვლილებები შეტანილია
უნივერსიტეტის რექტორის 2021 წლის 20
იანვრის №მ 8 ბრძანებით

*შპს ქუთაისის უნივერსიტეტის
მოწვევლადი სტუდენტების მხარდაჭერის
მექანიზმები*

2021 წელი

სარჩევი

მუხლი 1. ზოგადი დებულებანი	3
მუხლი 2. მხარდაჭერის გავრცელების სფერო	3
მუხლი 3. ფინანსური შეღავათით სარგებლობის შესაძებლობა და ოდენობა.....	3
მუხლი 4. ფინანსური შეღავათით სარგებლობის უფლების მოსაპოვებლად უნივერსიტეტში წარმოსადგენი დოკუმენტები	4
მუხლი 5. დაფინანსების წესი	4
მუხლი 6. დასკვნითი დებულებები	5

მუხლი 1. ზოგადი დებულებანი

1. წინამდებარე დოკუმენტის შესაბამისად განისაზღვრება შპს ქუთაისის უნივერსიტეტის (შემდგომში - „უნივერსიტეტი“) საგანმანათლებლო პროგრამებზე ჩარიცხულ სტუდენტთა მოწყვლადი ჯგუფების ფინანსური მხარდაჭერისა და ხელშეწყობის მექანიზმები.
2. უნივერსიტეტის მიზანია საკუთარი სოციალური პასუხისმგებლობის ფარგლებში ამ დოკუმენტით განსაზღვრული ჯგუფების წარმომადგენლები უზრუნველყოს მხარდაჭერის შესაბამისი მექანიზმებით.

მუხლი 2. მხარდაჭერის გავრცელების სფერო

1. ფინანსური შეღავათები ვრცელდება შემდეგ პირებზე:
 - ა) სოციალურად დაუცველ პირებზე, რომლებსაც სახელმწიფოს მხრიდან არ დაუფინანსდებათ სწავლის საფასური;
 - ბ) საქართველოს ოკუპირებულ ტერიტორიაზე მცხოვრებ პირებზე;
 - გ) საქართველოს თავდაცვის სამინისტროსთან გაფორმებული მემორანდუმის ფარგლებში სამხედრო მოსამსახურის ოჯახის წევრებზე;
 - დ) უნივერსიტეტის საგანმანათლებლო პროგრამებზე ჩარიცხული ერთი ოჯახის ორ ან მეტ წევრზე;
 - ე) ძალადობის მსხვერპლთა თავშესაფარში ჩარიცხულ ბენეფიციარზე, ან ბენეფიციარზე რომელმაც თავშესაფარი დატოვა ბოლო 6 (ექვსი) თვის მანძილზე;
2. იმ სტუდენტმა, რომელიც განეკუთვნება ამ მუხლის პირველი პუნქტით განსაზღვრულ პირებს შესაბამისი დოკუმენტაციის წარმოდგენის შემდეგ, შესაძლებელია მოიპოვოს მოწყვლადი ჯგუფებისთვის გათვალისწინებული ფინანსური შეღავათი.

მუხლი 3. ფინანსური შეღავათით სარგებლობის შესაძლებლობა და ოდენობა

1. მე-2 მუხლის პირველი პუნქტის „ა“ ქვეპუნქტის მიხედვით ფინანსური შეღავათით - სწავლის საფასურის 20 %-იანი დაფინანსებით ისარგებლებს სოციალურად დაუცველი ოჯახების მონაცემთა ერთიანი ბაზაში რეგისტრირებული სტუდენტი, რომლის ოჯახის სარეიტინგო ქულა ტოლი ან ნაკლებია 70 000-ზე, თუ ის ვერ მოიპოვებს სახელმწიფოს მიერ სწავლის საფასურის დაფინანსებას;
2. მე-2 მუხლის პირველი პუნქტის „ბ“ ქვეპუნქტის მიხედვით ფინანსური შეღავათით - სწავლის საფასურის 20 %-იანი დაფინანსებით ისარგებლებს სტუდენტი, რომელიც ცხოვრობს საქართველოს ოკუპირებულ ტერიტორიაზე;
3. მე-2 მუხლის პირველი პუნქტის „გ“ ქვეპუნქტის მიხედვით უნივერსიტეტსა და საქართველოს თავდაცვის სამინისტროს შორის 2020 წლის 17 აგვისტოს გაფორმებული ურთიერთანამშრომლობის მემორანდუმით განსაზღვრული შეთავაზების ფარგლებში, უნივერსიტეტი უზრუნველყოფს სტუდენტის (სამხედრო მოსამსახურე ან სამხედრო მოსამსახურის ოჯახი წევრი (მეუღლე, შვილი) მიერ გადასახდელი სწავლის საფასურის 20 %-ის დაფინანსებას.

4. მე-2 მუხლის პირველი პუნქტის „დ“ ქვეპუნქტის მიხედვით ფინანსური შეღავათით - სწავლის საფასურის თითოეულ პირზე 10 %-იანი დაფინანსებით ისარგებლებს უნივერსიტეტის საგანმანათლებლო პროგრამებზე ჩარიცხული ერთი ოჯახის ორი ან მეტი წევრი;

5. მე-2 მუხლის პირველი პუნქტის „ე“ ქვეპუნქტის მიხედვით ფინანსური შეღავათით - სწავლის საფასურის 20 %-იანი დაფინანსებით ისარგებლებს სტუდენტი, რომელიც არის ძალადობის მსხვერპლთა თავშესაფრის ბენეფიციარი, ან რომელმაც თავშესაფარი დატოვა ბოლო 6 (ექვსი) თვის მანძილზე;

მუხლი 4. ფინანსური შეღავათით სარგებლობის უფლების მოსაპოვებლად უნივერსიტეტში წარმოსადგენი დოკუმენტები

1. ამ დოკუმენტის გათვალისწინებული ფინანსური შეღავათით სარგებლობის უფლებამოსილების მქონე პირი სასწავლო სემესტრის დაწყებამდე განცხადებით მიმართავს უნივერსიტეტს ფინანსური შეღავათის გამოყენების თაობაზე. განცხადებას დანართის სახით უნდა დაერთოს, შემდეგი დოკუმენტები:

ა) პირადობის დამადასტურებელი დოკუმენტის ასლი;

ბ) სოციალურად დაუცველი პირების შემთხვევაში - სსიპ „სოციალური მომსახურების სააგენტოს“ მიერ გაცემული ცნობა, ან ამონაწერი „სოციალურად დაუცველი ოჯახების მონაცემთა ერთიან ბაზაში“ რეგისტრაციის თაობაზე;

გ) ოკუპირებულ ტერიტორიებზე მცხოვრები პირების შემთხვევაში - საქართველოს მოქალაქის მოწმობა, პირადობის ნეიტრალური მოწმობა ან ნეიტრალური სამეზავრო დოკუმენტი ან ცნობა შესაბამისი სოფლის მუნიციპალიტეტიდან, რითაც დასტურდება ოკუპირებულ ტერიტორიაზე ცხოვრების ფაქტი.

დ) საქართველოს თავდაცვის სამინისტროში სტუდენტის, ან ოჯახის წევრის მუშაობის დამადასტურებელი ცნობა, ან ნათესავური კავშირის დამადასტურებელი დოკუმენტი.

ე) ძალადობის მსხვერპლთა თავშესაფარში ყოფნის დამადასტურებელი დოკუმენტი.

მუხლი 5. დაფინანსების წესი

1. უნივერსიტეტის სასწავლო პროცესის ადმინისტრირების სამსახური იურიდიული სამსახურის ჩართულობით განიხილავს სტუდენტის მიერ წარმოდგენილ დოკუმენტებს და ადგენს შესაბამისობას ამ წესით განსაზღვრულ მოთხოვნებთან. ფინანსური შეღავათით სარგებლობის უფლების მინიჭება ხორციელდება უნივერსიტეტის რექტორის ბრძანების საფუძველზე. ბრძანება გამოიცემა დაწესებულების პრეზიდენტთან შეთანხმებით.

2. თუ, ვერ იქნა დადგენილი წარმოდგენილი დოკუმენტებისა და ამ წესით განსაზღვრული პირობების შესაბამისობა, აღნიშნულის შესახებ სტუდენტს ეცნობება წერილობითი სახით.
3. დაფინანსების/არ დაფინანსების შესახებ გადაწყვეტილება მიიღება სტუდენტის მიერ განცხადებით მომართვიდან არაუგვიანეს ერთი თვის ვადაში.
4. უნივერსიტეტი უფლებამოსილია, სტუდენტს პერიოდულად მოსთხოვოს განახლებული დოკუმენტის წარმოდგენა, რომლითაც დასტურდება პირის მოწვევადი ჯგუფისადმი კუთვნილება. სტუდენტი ვალდებულია წარმოადგინოს ასეთი სახის დოკუმენტი.
5. იმ შემთხვევაში, თუ სტუდენტი არ წარმოადგენს ამ მუხლის მე-4 პუნქტის შესაბამისად განსაზღვრულ დოკუმენტს ან მის მიერ წარმოდგენილი დოკუმენტით აღარ იკვეთება მოწვევადი ჯგუფისადმი კუთვნილება, უნივერსიტეტი უფლებამოსილია სტუდენტს შეუწყვიტოს ფინანსური შეღავათით სარგებლობის უფლება.
6. ამ დებულების მე-3 მუხლში მითითებული ფინანსური შეღავათებიდან სტუდენტს შეუძლია ისარგებლოს მხოლოდ ერთი ფინანსური შეღავათით.

მუხლი 6. დასკვნითი დებულებები

1. წინამდებარე დოკუმენტი მტკიცდება რექტორის სამართლებრივი აქტით.
2. წინამდებარე დოკუმენტში ცვლილებების, დამატებების შეტანა ხორციელდება საქართველოს მოქმედი კანონმდებლობის შესაბამისად.